



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Fasti Mariani

Brunner, Andreas  
Pfeffer, Wilhelm

Antverpiæ, [1659 erschienen] 1660

S. Symphorosacvm VII. FF. MM. 18. Iulij.

**urn:nbn:de:hbz:466:1-42032**

vultus astro similis & literæ in manibus repetæ, quibus ipse fabulæ totius argumentum descripserat. Et placuisse fabulam Cælum ostendit, cum miraculis applausit, toties plausus repetiturum, quoties fabulam iuventus. *Ex Metaphr.*

*Vu obtinere calum, quod perdidit superbiens angelus, qui confusus est in virtute sua, & in multitudi-  
ne divitiarum suarum? Paupertatis vilitatem amplectere; & tueri. S. Bern. serm. I. de Omnia.  
SS.*

S. SYMPHOROSA CVM VII. FF.  
MM. 18. Iulij.

**R**eliquit Gerulius Mart. post se conjugē SYM-  
PHOROSAM & VII. filios. Bonum factum! è  
tantâ familiâ neminem reperias degenerem. Sci-  
res illam Martyris uxorem, hos filios esse, qui san-  
guine tincta parentis vestigia fortiter insisterent.  
Ergo Adriano Imp. sistitur animosa cohors; & ec-  
ce mater ducit. Blanditiis, minis, tormentis omnibus  
pugnatur. Sed vincunt in filiis mater, in matre filii,  
dum ante oculos patris volat memoria, & Martem  
ejus, quem fundi viderant, sanguis accendit. Cumq;  
mater in præterfluentem cum appendice saxo abji-  
cienda esset, *Præco*, clamabat, *filios ad victoriam ma-  
ter. Si filij estis, ad patris dexteram & matris sinu  
etiam per tela & ignes curretis. Ecco maior, pulchre  
mortis heredes quos nisi filios dicam meos? Lamq; va-  
lete: ego mulier per undas portum peto. Si viri estis  
per vulnera viam in celum animo facietis.* Dixit  
& undis mersa, quò voluit, enatavit. Postridie for-  
tissima turba iterum producit, singuliq; ad  
palum ligati statuuntur, quasi verò in hâc pugna  
tyrones & non veterani jam essent. Inde **C R E-  
SCENTIVS** ferro guttur, **IULIANVS** pectus, **PRIMI-  
TIVVS**



TIVVS umbilicum, NEMESIVS cor trajicitur, & omnes aduersa vulnera sibi gratulantur. Iam EYGENIVS in duas partes, at IUSTINVS, ut amplius augeter fraternam aciem, membratim dissectatur. Denique STACTEVS omnium telorum stat scopus. Neque jam Tyrannus prohibere potuit, quò minus fratres secutus ad astra evolaret: pennas tot sagittæ addiderunt. Ex Rom. Brev.

*Est honorum Adolescentulorum, timorem Dei habere, deferre parentibus honorē, castitatem tueri, non aspernari humilitatem, deligere clementiam ac irrecundiam; qua ornamenta sunt minorum aetatis.* S. Bern. l. de Ord. Vitæ.

## S. ARSENIUS C. 16. Iulij.

ARSENIUS bonis artibus & virtutibus juxta clarus Arcadium & Honorium Theodosii Aug. filios literis imbuendos & pietate acceptis: quod muneris tanti pius Imp. fecit, ut eum non filiorum modò, sed suum etiam parentem dici voluerit. Quid? quòd ubi sedentes pro dignitate stans docuit, interveniens Theodosius stare imposterum filios & audire sedentem jussit, rimendas imperii secures literatis scholæ fascibus submittere, quos eum in gravius delinquentem Arcadium strinxisset ARSENIUS, necem ille Doctori inferre molitus est, penè Nero ex Arcadio factus. Adèd non jam primùm bonorum Magistrorum didactron odia & insidiæ sunt discipulorum. ARSENIO interim vox cælo hæc accidit: *Fuge, tace, quiesce.* Fugit itaque, sed aulæ servitatem: tacuit Eremitæ discipulus, sed Doctorem Angelum habuit. Hic vana hominum studia illi depinxit primò in Æthiope, qui levando, cui impar erat, oneris, alia